
Sarajevo, 28.03.2018. godine

Ugovorni organ: KJKP "Vodovod i kanalizacija" d.o.o. Sarajevo, rješavajući po žalbi žalitelja: "Etal BH" d.o.o. Sarajevo, koja je zaprimljena dana: 20.12.2017.g., putem e-maila, a na osnovu odredbi člana 100. stav 3. i člana 69. stav 2. pod d) Zakona o javnim nabavkama (Sl. glasnik BiH br. 39/14) i odredbi Zakona o upravnom postupku, (Sl. glasnik BiH br. 29/02, 12/04,88/07, 93/09, 41/13 i 53/16), donosi:

ODLUKU

I

Žalba žalitelja: "Etal BH" d.o.o. Sarajevo, uložena na Odluku o izboru najpovoljnijeg ponuđača br. 73/17 lot 4 od 11.12.2017.godine, u otvorenom postupku javne nabavke roba: "**Bunarski pumpni agregati za bunar IB1-izvorište Bačevo, P.S. Hrasno- R. Lukavac, P.S Centar- R.Bjelave, P.S Centar-R.Crni Vrh**" – tender broj 73/17 lot 4, objavljenom po obavještenju o nabavci br. 247-1-1-141-8-232/17 na portalu JN dana: 24.08.2017.god. **se usvaja kao osnovana.**

II

Poništava se Odluka o izboru najpovoljnijeg ponuđača br. 73/17 lot 4 od 12.12.2017. godine.

III

Poništava se postupak javne nabavke broj 73/17 lot 4 za nabavku roba : "**Bunarski pumpni agregati za bunar IB1-izvorište Bačevo, P.S. Hrasno- R. Lukavac, P.S Centar- R.Bjelave, P.S Centar-R.Crni Vrh**" iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

IV

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

V

Ova odluka se dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama a stupa na snagu danom donošenja.

Obrazloženje

U postupku javne nabavke roba putem otvorenog postupka: „**Bunarski pumpni agregati za bunar IB1-izvorište Bačevo, P.S. Hrasno- R. Lukavac, P.S Centar- R.Bjelave, P.S Centar-R.Crni Vrh** " - po tenderu broj 73/17 lot 4, Obavještenje o nabavci broj 247-1-1-141-3-191/17 poslano na objavljivanje na Portal javnih nabavki dana 24.08.2017.godine a sažetak obavještenja o nabavci je objavljen u Sl. glasniku BiH broj 63. od 01.09.2017.godine i Ispravka za obavještenje o nabavci broj 247-1-1-141-8-232/17 poslano na objavljivanje na Portal javnih nabavki dana 11.10.2017. godine, a sažetak ispravke za obavještenje o nabavci je objavljen u Sl. glasniku BiH broj 73. od 13.10.2017.godine, Komisija za javne nabavke izvršila je pregled i ocjene pristiglih ponuda.

Ugovorni organ je na osnovu preporuke komisije za javne nabavke, dana 12.12.2017.god. donio Odluku o izboru najpovoljnijeg ponuđača kojom je kao najpovoljniji ponuđač odabran "Elektrouniverzal" d.o. Tuzla i odluka je istog dana dostavljena svim učesnicima u postupku predmetne javne nabavke.

Dana 20.12.2017. godine od strane ponuđača „ETAL BH“ d.o.o. Sarajevo je uložena žalba na pomenutu odluku o izboru najpovoljnijeg ponuđača.

Ugovorni organ je dana 25.12.2017. godine, rješavajući po istaknutim žalbenim navodima, donio Odluku kojom se žalba usvaja kao djelimično osnovana i vrši se dopuna odluke o izboru najpovoljnijeg ponuđača dodatnim obrazloženjem u pogledu ocjene prihvatljivosti ponude izabranog ponuđača a u ostalom dijelu Odluka je ostala nepromijenjena.

Nezadovoljan ovom odlukom, ponuđač „ETAL BH“ d.o.o. Sarajevo je 28.12.2017.god. na istu ulažio žalbu.

U daljem toku postupka iz razloga što je smatrano da su svi istaknuti žalbeni navodi neosnovani, žalba i izjašnjenje na žalbu je sa kompletnom dokumentacijom dostavljena Uredu za razmatranje žalbi na dalje rješavanje.

Dana 07.02.2018. godine je zaprimljeno rješenje Ureda za razmatranje žalbi BiH broj JH2-03-07-1-16-9/18 od 02.02.2018. godine, kojim se usvaja žalba žalitelja „ETAL BH“ d.o.o. Sarajevo, poništava se odluka o djelimičnom usvajanju žalbe i predmet se vraća ugovornom organu na ponovni postupak odnosno ponovno odlučivanje po žalbi na odluku o izboru najpovoljnijeg ponuđača.

U skladu sa navedenim rješenjem Ureda za razmatranje žalbi BiH, pristupilo se ponovnom razmatranju žalbe ponuđača „ETAL BH“ d.o.o. Sarajevo, te je konsatovano sljedeće :

U žalbi žalitelj ističe da istu podnosi zbog učinjenih propusta prilikom pregleda i ocjene ponude izabranog ponuđača, te predlaže da se poništi osporavana Odluka i predmet vrati na ponovno razmatranje i ocjenu ponuda

U obrazloženju žalbe navodi sljedeće :

Uvidom u ponudu izabranog ponuđača utvrdili smo da ugovorni organ nije izvršio pregled i ocjenu ponude izabranog ponuđača detaljno, objektivno, a posebno ne na način kako je to urađeno u otvorenom postupku 95/16, koji je poništen, kada su predmet nabavke bile iste robe i naša ponuda odbačena iz razloga koje je našao ugovorni organ. Imajući u vidu prethodno iskustvo i činjenicu da ugovorni organ nije tražio bilo kakvo dodatno pojašnjenje od izabranog ponuđača, slijedili smo logiku ugovornog organa i pažljivo analizirali svaki detalj ponude izabranog ponuđača. Pregledom samo utvrdili sljedeće:

- a) Dokument ponude „Obim isporuke“ za LOT 4
1. Za stavku 1.1, Bunarski pumpni agregat za Izvorište Bačevo-Bunar IB1(R-5):
 - Ponuđen je pumpni agregat, način upuštanja Y-Δ, 50 Hz.
Zahtijevane tehničke karakteristike način upuštanja Y-Δ i frekventni pretvarač.
Uslov nije zadovoljen.
 - U opisu pumpnog agregata nije naveden podatak (standard) za izlazni priključak.
Zahtijevano: izlazni priključak prirubnica po EN 1092.
Uslov nije zadovoljen.
 - U opisu usisnog/rashladnog plašta za pumpni agregat navedeno je „potisni priključak (prirubnica) DN 150-PN 10.
Usisni/rashladni plašt je komad cijevi određenog prečnika i dužine, prirubnica nije sastavni dio plašta. Ali ako ponuđač nudi i takvo rješenje nije navedeno po kojem standardu je prirubnica.
Uslov nije zadovoljen.
 2. Za stavku 1.2, Bunarski pumpni agregat PS Hrasno-pravac pumpanja RS Lukavac
 - U opisu tlačnog plašta nije naveden podatak (standard) za usisni i potisni priključak.
Zahtijevani priključci - prirubnice po EN 1092.
Uslov nije zadovoljen.
 3. Za stavku 1.3, Bunarski pumpni agregat za PS Centar-pravac pumpanja R.Bjelave
 - Nisu ispunjeni isti zahtijevani uslovi kao za stavku 1.2.
 4. Za stavku 1.4, Bunarski pumpni agregat za PS Centar-pravac pumpanja R.Crni vrh
 - Nisu ispunjeni isti zahtijevani uslovi kao za stavku 1.2. odnosno 1.3.

Dakle, izabrani ponuđač u obimu isporuke robe koju nudi nije dokazao da nudi robe prema specifikaciji i zahtjevu ugovornoq organa. Takva ponuda nije mogla biti prihvaćena.

- b) Dokument ponude „Tehničke karakteristike“
- U dokumentu su navedeni podaci za izlazni priključak, odnosno normu, međutim nije naveden podatak za nazivni promjer DN prirubnica.
Iz priloženog tehničkog lista nije moguće utvrditi veličinu prirubnice (nazivni otvor).
Izabrani ponuđač nigdje nije naveo, niti priložio podatke (dimenzije) za prirubnice, tako da je nemoguće utvrditi ukupnu ugradbenu dužinu pumpnih agregata.

Dokumenti „Tehničke karakteristike i dijagrami“ i „Tehničke karakteristike“ dati su s rezervom, odnosno uslovno. Ponuđač navodi „Usljed kontinuiranih poboljšanja dizajna zadržavamo pravo, da bez ranije najave, izmijenimo specifikacije ili druge podatke.“

Šta to znači?

To znači da ugovorni organ prihvata mogućnost da mu izabrani ponuđač isporuči robe drugačijih tehničkih karakteristika od ponuđenih, pa čak i lošijih od ponuđenih.

Kako je moguće da ugovorni organ prihvata bilo kakvo uslovljavanje, alternative i sl.?

Smatramo da nije dozvoljeno nuditi robu sa bilo kakvom rezervom, alternativom, i sl., a samim tim nije ni prihvatljivo.

- c) Dokument ponude „Dimenzije i težine rashladnog/usisnog i tlačnog plašta“
1. Za stavku 1.1, Bunarski pumpni agregat za Izvorište Bačevo-Bunar IB1(R-5): crtež VSP CC 1034/02:
 - Nije naveden podatak za dužinu prirubnice, nije naveden standard prirubnice

- Naveden je podatak za broj obrtaja motora 3000 o/min, dok je na prethodnim dokumentima naveden broj obrtaja motora 2820 o/min
Pored činjenice da ne postoje asinhroni motori sa nazivnim brojem obrtaja 3000 o/min pri frekvenciji 50 Hz, navedena su dva različita podatka za isti proizvod.

2. Za stavku 1.2, Bunarski pumpni agregat PS Hrasno-pravac pumpanja RS Lukavac, crtež VSP CC 1032/02

- Nije navedena ukupna ugradbena dužina, navedena je samo dužina plašta 2257 mm
- Nije prikazano po kojoj normi je urađena potisna prirubnica.
- Na crtežu ne postoji, nije prikazana usisna prirubnica DN 200 PN 16 – EN 1092.
Na crtežu se jasno vidi da je cijevi zatvorena na mjestu gdje je trebala biti usisna prirubnica.
Nije jasno kako bilo ko može utvrditi položaj, dimenzije, način spajanja, itd. usisne strane
- Na crtežu piše „materijal rashladnog plašta“, iz čega se zaključuje da isti ne predstavlja tlačni plašt.
- Ponavljaju se iste greške i različiti podaci u vezi broja obrtaja motora, kao za stavku 1.1.

3. Za stavku 1.3, Bunarski pumpni agregat za PS Centar-pravac pumpanja R.Bjelave, crtež 1032/03

- Nije navedena ukupna ugradbena dužina, navedena je samo dužina plašta 2525 mm
- Nije prikazano po kojoj normi je urađena potisna/tlačna prirubnica.
- Na crtežu ne postoji, nije prikazana usisna prirubnica DN 200 PN 16 – EN 1092.
Na crtežu se jasno vidi da je cijevi zatvorena na mjestu gdje je trebala biti usisna prirubnica.
Nije jasno kako bilo ko može utvrditi položaj, dimenzije, način spajanja, itd. usisne strane
- Na crtežu piše „materijal rashladnog plašta“, iz čega se zaključuje da isti ne predstavlja tlačni plašt.
- Ponavljaju se iste greške i različiti podaci u vezi broja obrtaja motora, kao za stavku 1.1.

4. Za stavku 1.4, Bunarski pumpni agregat za PS Centar-pravac pumpanja R.Crni vrh, crtež 1032/02

- Nije navedena ukupna ugradbena dužina, navedena je samo dužina plašta 2257 mm
- Nije prikazano po kojoj normi je urađena potisna/tlačna prirubnica.
- Na crtežu ne postoji, nije prikazana usisna prirubnica DN 200 PN 16 – EN 1092.
Na crtežu se jasno vidi da je cijevi zatvorena na mjestu gdje je trebala biti usisna prirubnica.
Nije jasno kako bilo ko može utvrditi položaj, dimenzije, način spajanja, itd. usisne strane
- Prikazane dužine pumpe i motora, različite su u odnosu na dužine iz dokumenta „tehničke karakteristike“, tako da se ukupna dužina pumpnog agregata razlikuje
Tehničke karakteristike - LP (922 mm) + LM (1286 mm) = L (2208 mm)
Crtež VSP CC 1032/02 - LP (922 mm) + LM (1185 mm) = L (2107 mm)
- Na crtežu piše „materijal rashladnog plašta“, iz čega se zaključuje da isti ne predstavlja tlačni plašt.
- Ponavljaju se iste greške i različiti podaci u vezi broja obrtaja motora, kao za stavku 1.1.

Iz svega naprijed navedenog, možemo zaključiti da ponuda izabranog ponuđača ne ispunjava uslove predmeta nabavke - tehničke karakteristike (7. Opis predmeta nabavke):

- Obim isporuke (način upuštanja motora, standard izlaznog priključka pumpe)
- Ugradbene mjere pumpnog agregata (ne postoje podaci za prirubnice, nije moguće utvrditi ukupnu dužinu pumpnog agregata – ugradbene mjere pumpnog agregata, razlike u dimenzijama)
- Crtež i dimenzije usisnog/tlačnog plašta sa ugradbenim mjerama i dimenzijama (razlike u dimenzijama, ne postoje ugradbene mjere za tlačni plašt, podaci za prirubnice)
- Tehničke karakteristike pumpnih agregata date su sa rezervom, sa mogućnošću izmjene specifikacije ili bilo kojeg podatka bez prethodne najave i odobrenja.

Predlažemo ugovornom organu da poništi osporavanu odluku, te da predmet vrati na ponovno razmatranje i ocjenu u skladu sa zahtjevima iz tenderske dokumentacije.

Također, predlažemo ugovornom organu da još jednom razmotri težinu propusta iz naše ponude, i s obzirom da propusti ne mijenjaju suštinu nabavke.

Predlažemo ugovornom organu da ugovor dodijeli ponuđaču ETAL BH d.o.o. Sarajevo.

Rješavajući po istaknutim navodima žalitelja: “ETAL BH” d.o.o. Sarajevo, utvrđeno je slijedeće:

Žalbeni navod :

a1. Za stavku 1.1 Bunarski pumpni agregat za Izvorište Bačevo-bunar IB1(R5)

- Ponuđen je pumpni agregat, način upuštanja Y-Δ, 50 Hz.

Zahtijevane tehničke karakteristike način upuštanja Y-Δ i frekventni pretvarač.
Uslov nije zadovoljen.

Odgovor ugovornog organa:

Na strani broj 36. ponude ponuđača „ELEKTROUNIVERZAL“ d.o.o. Tuzla u tehničkoj dokumentaciji, tehničkim karakteristikama je naznačen start (način upuštanja) u skladu sa zahtijevima tenderske dokumentacije.

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Žalbeni navod :

- U opisu pumpnog agregata nije naveden podatak (standard) za izlazni priključak.

Zahtijevano: izlazni priključak prirubnica po EN 1092.

Uslov nije zadovoljen.

Odgovor ugovornog organa:

Na strani broj 36. ponude ponuđača „ELEKTROUNIVERZAL“ d.o.o. Tuzla u tehničkoj dokumentaciji, tehničkim karakteristikama je naznačen izlaz (prirubnica –EN1092) čime je upravo definisan standard, a sve u skladu sa zahtijevima tenderske dokumentacije .

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Žalbeni navod :

- U opisu usisnog/rashladnog plašta za pumpni agregat navedeno je „potisni priključak (prirubnica) DN 150-PN 10.

Usisni/rashladni plašt je komad cijevi određenog prečnika i dužine, prirubnica nije sastavni dio plašta. Ali ako ponuđač nudi i takvo rješenje **nije navedeno po kojem standardu je prirubnica.**

Uslov nije zadovoljen.

Odgovor ugovornog organa:

Na strani broj 36. ponude ponuđača ponuđača „ELEKTROUNIVERZAL“ d.o.o. Tuzla u tehničkoj dokumentaciji, tehničkim karakteristikama je naznačen izlaz (prirubnica –EN1092) čime je upravo definisan standard, a sve u skladu sa zahtijevima tenderske dokumentacije .

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Žalbeni navod :

a2. Za stavku 1.2 Bunarski pumpni agregat P.S.Hrasno-pravac pumpanja R.Lukavac

- U opisu tlačnog plašta nije naveden podatak (standard) za usisni i potisni priključak.

Zahtijevani priključci - prirubnice po EN 1092.

Uslov nije zadovoljen.

Odgovor ugovornog organa:

Na strani broj 41. ponude ponuđača „ELEKTROUNIVERZAL“ d.o.o. Tuzla u tehničkoj dokumentaciji, tehničkim karakteristikama je naznačen izlaz (prirubnica –EN1092) čime je upravo definisan standard, a sve u skladu sa zahtijevima tenderske dokumentacije .

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Žalbeni navod :**a3. Za stavku 1.3 Bunarski pumpni agregat P.S.Centar-pravac pumpanja R.Bjelave**

- Nisu ispunjeni isti zahtijevani uslovi kao za stavku 1.2.

Odgovor ugovornog organa:

Na strani broj 44. ponude ponuđača „ELEKTROUNIVERZAL“ d.o.o. Tuzla u tehničkoj dokumentaciji, tehničkim karakteristikama su naznačeni podaci koji su u skladu sa zahtijevima tenderske dokumentacije.

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Žalbeni navod :**a4. Za stavku 1.4 Bunarski pumpni agregat P.S.Centar-pravac pumpanja R.Crni vrh**

- Nisu ispunjeni isti zahtijevani uslovi kao za stavku 1.2. odnosno 1.3.

Odgovor ugovornog organa:

Na strani broj 47. ponude firme ponuđača „ELEKTROUNIVERZAL“ d.o.o. Tuzla u tehničkoj dokumentaciji, tehničkim karakteristikama su naznačeni podaci koji su u skladu sa zahtijevima tenderske dokumentacije.

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Žalbeni navod :**b)**

- U dokumentu su navedeni podaci za izlazni priključak, odnosno normu, međutim nije naveden podatak za nazivni promjer DN prirubnica.
Iz priloženog tehničkog lista nije moguće utvrditi veličinu prirubnice (nazivni otvor).
Izabrani ponuđač nigdje nije naveo, niti priložio podatke (ili crtež) za dimenzije prirubnica, tako da je nemoguće utvrditi ukupnu ugradbenu dužinu pumpnih agregata.

Odgovor ugovornog organa:

U svojim navodima žalitelj upravo konstatuje da ponuda ponuđača „ELEKTROUNIVERZAL“ d.o.o. Tuzla sadrži i definiše zahtijevanu normu –standard izlanih priključaka kako je i traženo tenderskom dokumentacijom, dok je u predhodnim navodima isto to negirao .

Takođe u ponudi ponuđača „ELEKTROUNIVERZAL“ d.o.o. Tuzla na strani broj 48. definisane su dimenzije –ugradbene mjere prirubnice (crtež br:VSP 1032/02).

Žalbeni navod :

c1.) Za stavku 1.1 Bunarski pumpni agregat za Izvorište Bačevo-bunar IB1(R5)

- Nije naveden podatak za dužinu prirubnice, nije naveden standard prirubnice

Odgovor ugovornog organa:

U ponudi ponuđača „ELEKTROUNIVERZAL“ d.o.o. Tuzla na strani broj 37. definisane su dimenzije –ugradbene mjere prirubnice (crtež br:VSP 1034/02) a, na strani br.36. je naznačen izlaz (prirubnica –EN1092) čime je upravo definisan standard, a u skladu sa zahtjevima tenderske dokumentacije.U tehničkoj praksi način za definisanje prirubnica je na osnovu njihovog nazivnog dijametra i nazivnog pritiska (DN/PN).

Žalbeni navod :

- Naveden je podatak za broj obrtaja motora 3000 o/min, dok je na prethodnim dokumentima naveden broj obrtaja motora 2820 o/min
Pored činjenice da ne postoje asinhroni motori sa nazivnim brojem obrtaja 3000 o/min pri frekvenciji 50 Hz, navedena su dva različita podatka za isti proizvod.

Odgovor ugovornog organa:

Žalitelju bi trebalo biti poznato da se radi o dvopolnom elektro motoru sa sinhronom brzinom od 3000 o/min pri 50 Hz. Jasno je iz ponude ponuđača „ELEKTROUNIVERZAL“ d.o.o. Tuzla da se radi o asinhronom elektro motoru čiji se broj obrtaja podešava u zavisnosti od njegovog opterećenja, a što je dato softverskim ispisom na strani broj 35. ponude. Dakle radi se o potpuno istom elektro motoru koju svoju brzinu obrtanja podešava zavisno od opterećenja, što je inače osobina asihronih elektro motora.

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Žalbeni navod :

c2.) Za stavku 1.2 Bunarski pumpni agregat P.S.Hrasno-pravac pumpanja R.Lukavac

- Nije navedena ukupna ugradbena dužina, navedena je samo dužina plašta 2257 mm

Odgovor ugovornog organa:

Ponovnim pregledom ponude ponuđača „ELEKTROUNIVERZAL“ d.o.o. Tuzla na strani br.42. konstatujemo da se žalbeni navodi mogu prihvatiti.

Žalbeni navod :

- Nije prikazano po kojoj normi je urađena potisna prirubnica.

Odgovor ugovornog organa:

Na strani broj 41. ponude ponuđača „ELEKTROUNIVERZAL“ d.o.o. u tehničkoj dokumentaciji, tehničkim karakteristikama je naznačen izlaz (prirubnica –EN1092) čime je upravo definisan standard, a sve u skladu sa zahtjevima tenderske dokumentacije .

Žalbeni navod :

- Na crtežu ne postoji, nije prikazana usisna prirubnica DN 200 PN 16 – EN 1092.

Odgovor ugovornog organa:

U ponudi ponuđača „ELEKTROUNIVERZAL“ d.o.o. Tuzla na strani broj 42. (crtež br:VSP 1032/02) prikazana je usisna prirubnica DN200.

Žalbeni navod :

- Na crtežu piše „materijal rashladnog plašta“, iz čega se zaključuje da isti ne predstavlja tlačni plašt.

Odgovor ugovornog organa:

Ponovnim pregledom ponude ponuđača ponuđača „ELEKTROUNIVERZAL“ d.o.o. Tuzla na strani br.42. konstatujemo da se žalbeni navodi prihvataju ali samo u dijelu,obzirom da na strani br.42 piše “materijal rashladnog plašta“ ali crtež prikazuje i definiše tlačni plašt, tako da se ovdje radi o lingvističkoj greški .

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ definsan je tlačni plašt kako je zahtijevano tenderskom dokumentacijom kao i materijal tog istog tlačnog plašta.

Žalbeni navod :

- Ponavljaju se iste greške i različiti podaci u vezi broja obrtaja motora, kao za stavku 1.1.

Odgovor ugovornog organa:

Žalitelju bi trebalo biti poznato da se radi o dvopolonom elektro motoru sa sinhronom brzinom od 3000 o/min pri 50 Hz. Jasno je iz ponude ponuđača „ELEKTROUNIVERZAL“ d.o.o. Tuzla da se radi o asinhronom elektro motoru čiji se broj obrtaja podešava u zavisnosti od njegovog opterećenja, a što je dato softverskim ispisima u ponudi. Dakle radi se o potpuno istom elektro motoru koju svoju brzinu obrtanja podešava zavisno od opterećenja, što je inače osobina asihronih elektro motora.

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Žalbeni navod :

C3.) Za stavku 1.3 Bunarski pumpni agregat P.S.Centar-pravac pumpanja R.Bjelave

- Nije navedena ukupna ugradbena dužina, navedena je samo dužina plašta 2525 mm

Odgovor ugovornog organa:

Ponovnim pregledom ponude ponuđača „ELEKTROUNIVERZAL“ d.o.o. Tuzla na strani br. 45. konstatujemo da se žalbeni navodi mogu prihvatiti.

Žalbeni navod :

- Nije prikazano po kojoj normi je urađena potisna prirubnica.

Odgovor ugovornog organa:

Na strani broj 44. ponude ponuđača „ELEKTROUNIVERZAL“ d.o.o. Tuzla u tehničkoj dokumentaciji, tehničkim karakteristikama je naznačen izlaz (prirubnica –EN1092) čime je upravo definisan standard, a sve u skladu sa zahtjevima tenderske dokumentacije .

Žalbeni navod :

- Na crtežu ne postoji, nije prikazana usisna prirubnica DN 200 PN 16 – EN 1092.

Odgovor ugovornog organa:

U ponudi firme ponuđača „ELEKTROUNIVERZAL“ d.o.o. Tuzla na strani broj 45. (crtež br:VSP 1032/03) prikazana je usisna prirubnica DN200.

Žalbeni navod :

- Na crtežu piše „materijal rashladnog plašta“, iz čega se zaključuje da isti ne predstavlja tlačni plašt.

Odgovor ugovornog organa:

Ponovnim pregledom ponude ponuđača „ELEKTROUNIVERZAL“ d.o.o. Tuzla na strani br. 45. konstatujemo da se žalbeni navodi prihvataju ali samo u dijelu, obzirom da na strani br.45. piše “materijal rashladnog plašta“ ali crtež prikazuje i definiše tlačni plašt, tako da se ovdje radi o lingvističkoj greški.

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ definisan je tlačni plašt kako je zahtijevano tenderskom dokumentacijom kao i materijal tog istog tlačnog plašta.

Žalbeni navod :

- Ponavljaju se iste greške i različiti podaci u vezi broja obrtaja motora, kao za stavku 1.1.

Odgovor ugovornog organa:

Žalitelju bi trebalo biti poznato da se radi o dvopolonom elektro motoru sa sinhronom brzinom od 3000 o/min pri 50 Hz. Jasno je iz ponude ponuđača „ELEKTROUNIVERZAL“ d.o.o. Tuzla da se radi o asinhronom elektro motoru čiji se broj obrtaja podešava u zavisnosti od njegovog opterećenja, a što je dato softverskim ispisima u ponudi. Dakle radi se o potpuno istom elektro motoru koju svoju brzinu obrtanja podešava zavisno od opterećenja, što je inače osobina asihronih elektro motora.

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Žalbeni navod :

C4.) Za stavku 1.4 Bunarski pumpni agregat P.S.Centar-pravac pumpanja R.Crni vrh

- Nije navedena ukupna ugradbena dužina, navedena je samo dužina plašta 2257 mm

Odgovor ugovornog organa:

Ponovnim pregledom ponude ponuđača „ELEKTROUNIVERZAL“ d.o.o. Tuzla na strani br.48. konstatujemo da se žalbeni navodi mogu prihvatiti.

Žalbeni navod :

- Nije prikazano po kojoj normi je urađena potisna/tlačna prirubnica.

Odgovor ugovornog organa:

Na strani broj 47. ponude ponuđača „ELEKTROUNIVERZAL“ d.o.o. Tuzla u tehničkoj dokumentaciji, tehničkim karakteristikama je naznačen izlaz (prirubnica –EN1092) čime je upravo definisan standard, a sve u skladu sa zahtjevima tenderske dokumentacije.

Žalbeni navod :

- Na crtežu ne postoji, nije prikazana usisna prirubnica DN 200 PN 16 – EN 1092.
Na crtežu se jasno vidi da je cijevi zatvorena na mjestu gdje je trebala biti usisna prirubnica.
Nije jasno kako bilo ko može utvrditi položaj, dimenzije, način spajanja, itd. usisne strane

Odgovor ugovornog organa:

U ponudi ponuđača „ELEKTROUNIVERZAL“ d.o.o. Tuzla na strani broj 48. (crtež br:VSP 1032/02) prikazana je usisna prirubnica DN200-PN16.

Žalbeni navod :

- Prikazane dužine pumpe i motora, različite su u odnosu na dužine iz dokumenta „tehničke karakteristike“, tako da se ukupna dužina pumpnog agregata razlikuje
Tehničke karakteristike - LP (922 mm) + LM (1286 mm) = L (2208 mm)
Crtež VSP CC 1032/02 - LP (922 mm) + LM (1185 mm) = L (2107 mm)

Odgovor ugovornog organa:

Ponovnim pregledom ponude ponuđača „ELEKTROUNIVERZAL“ d.o.o. Tuzla na strani br.47. i broj 48. konstatujemo da se žalbeni navodi mogu prihvatiti.

Žalbeni navod :

- Na crtežu piše „materijal rashladnog plašta“, iz čega se zaključuje da isti ne predstavlja tlačni plašt.

Odgovor ugovornog organa:

Ponovnim pregledom ponude ponuđača „ELEKTROUNIVERZAL“ d.o.o. Tuzla na strani br. 48. konstatujemo da se žalbeni navodi prihvataju ali samo u dijelu, obzirom da na strani br. 48. piše „materijal rashladnog plašta“ ali crtež prikazuje i definiše tlačni plašt, tako da se ovdje radi o lingvističkoj greški.

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ definisan je tlačni plašt kako je zahtijevano tenderskom dokumentacijom kao i materijal tog istog tlačnog plašta.

Žalbeni navod :

- Ponavljaju se iste greške i različiti podaci u vezi broja obrtaja motora, kao za stavku 1.1.

Odgovor ugovornog organa:

Žalitelju bi trebalo biti poznato da se radi o dvopolonom elektro motoru sa sinhronom brzinom od 3000 o/min pri 50 Hz. Jasno je iz ponude ponuđača „ELEKTROUNIVERZAL“ d.o.o. Tuzla da se radi o asinhronom elektro motoru čiji se broj obrtaja podešava u zavisnosti od njegovog opterećenja, a što je dato softverskim ispisima u ponudi. Dakle radi se o potpuno istom elektro motoru koju svoju brzinu obrtanja podešava zavisno od opterećenja, što je inače osobina asihronih elektro motora.

Na strani broj 50. ponude ponuđača „ELEKTROUNIVERZAL“ d.o.o. Tuzla u dokumentu “Obim isporuke“ data je napomena da se detaljne tehničke karakteristike nalaze u tehničkoj specifikaciji, strana broj 29.

Shodno svemu gore navedenom, utvrđeno je da su žalbeni navodi osnovani.

Od strane Komisije za javne nabavke, konstatovano je da je učinjen propust prilikom pregleda i ocjene dostavljene ponude ponuđača „Elektrouniverzal“ d.o.o. Tuzla u pogledu ispunjenosti postavljenih tenderskih uslova iz tačke 7. tenderske dokumentacije: „Opis predmeta nabavke“,

te ponuda „Elektrouniverzal“ d.o.o. Tuzla nije prihvatljiva obzirom na usvojenost sljedećih žalbenih navoda:

c2.) Za stavku 1.2 Bunarski pumpni agregat P.S.Hrasno-pravac pumpanja R.Lukavac

- Nije navedena ukupna ugradbena dužina, navedena je samo dužina plašta 2257 mm
- Na crtežu piše „materijal rashladnog plašta“, iz čega se zaključuje da isti ne predstavlja tlačni plašt.

C3.) Za stavku 1.3 Bunarski pumpni agregat P.S.Centar-pravac pumpanja R.Bjelave

- Nije navedena ukupna ugradbena dužina, navedena je samo dužina plašta 2525 mm
- Na crtežu piše „materijal rashladnog plašta“, iz čega se zaključuje da isti ne predstavlja tlačni plašt.

C4.) Za stavku 1.4 Bunarski pumpni agregat P.S.Centar-pravac pumpanja R.Crni vrh

- Nije navedena ukupna ugradbena dužina, navedena je samo dužina plašta 2257 mm
- Prikazane dužine pumpe i motora, različite su u odnosu na dužine iz dokumenta „tehničke karakteristike“, tako da se ukupna dužina pumpnog agregata razlikuje
Tehničke karakteristike - LP (922 mm) + LM (1286 mm) = L (2208 mm)
Crtež VSP CC 1032/02 - LP (922 mm) + LM (1185 mm) = L (2107 mm)
- Na crtežu piše „materijal rashladnog plašta“, iz čega se zaključuje da isti ne predstavlja tlačni plašt.

Rješavanjem po istaknutim navodima žalitelja „ETAL BH“ d.o.o. Sarajevo, utvrđeno je da su isti osnovani, te da su ispunjeni uslovi za poništavanje ranije donesene Odluke o izboru najpovoljnijeg ponuđača br. 73/17 lot 4 od 12.12.2017. godine.

Iz razloga što su ispunjeni uslovi za poništenje ranije donesene Odluke o izboru najpovoljnijeg ponuđača br. 73/17-lot 1 od 11.12.2017.godine, postupak se vraća u fazu ponovnog pregleda i ocjene pristiglih ponuda.

Komisija za javne nabavke je obnovila postupak pregleda i ocjene svih pristiglih ponuda te u skladu sa uslovima iz tenderske dokumentacije, konstatovala slijedeće:

-Da je na osnovu Obavještenja o nabavci br. 247-1-1-141-3-191/17 od 24.08.2017. godine i Ispravke Obavještenja o nabavci br. 247-1-1-141-8-232/17 od 11.10.2017. godine koje je objavljeno na Portalu javnih nabavki proveden postupak javne nabavke putem otvorenog postupka, te je izvršeno javno otvaranja ponuda dana: 26.10.2017. godine u 13:45 sati, a što je konstatovano zapisnikom sa otvaranja ponuda br. 73/17 lot 4.

-Za predmetnu javnu nabavku dostavljene su sljedeće ponude ponuđača:

1. „Hidro – Termo Centar“ d.o.o. Sarajevo;
2. „Ganges“ d.o.o. Doboj;
3. „Etal BH“ d.o.o. Sarajevo;
4. „CMC Ekocon“ d.o.o. Sarajevo
5. „Elektro Univerzal“ d.o.o. Tuzla

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Komisija je utvrdila da dostavljene ponude ponuđača: „Hidro – Termo Centar“ d.o.o. Sarajevo; „Ganges“ d.o.o. Doboj; „Etal BH“ d.o.o. Sarajevo; „CMC Ekocon“ d.o.o. Sarajevo i „Elektro

Univerzal“ d.o.o. Tuzla ispunjavaju zahtjevane tenderske uslove prema obliku i potpunosti u smislu načina pripreme ponuda.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

RB	Zahtjevana kvalifikaciona dokumentacija	„Hidro – Termo Centar“ d.o.o. Sarajevo	„Ganges“ d.o.o. Doboj	„Etal BH“ d.o.o. Sarajevo	CMC Ekocon“ d.o.o. Sarajevo	„Elektro Univerzal“ d.o.o. Tuzla
1.	Tačka: 13 TD : Izjava o ispunjenosti uslova iz člana 45. stav (1) tačka a) do d) Zakona o javnim nabavkama – Aneks IV; Prilog 3.	DA	DA	DA	DA	DA
2.	Tačka: 14.1 TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama –Aneks V; Prilog 4;	DA	DA	DA	DA	DA
3.	Tačka: 14.1 TD: (pod a) Kopija potvrde banke o aktivnosti transakcijskog računa koja nije starija od tri mjeseca računajući od trenutka dostavljanja ponude	DA	DA	DA	DA	DA
4.	Tačka: 14.3 TD : Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – organ uprave ili notar (ili Rješenja o registraciji) ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od momenta predaje ponude (Član 46. ZJN).	DA	DA	DA	DA	DA

Komisija konstatuje da ponuđači: "Hidro-termo Centrar" d.o.o. Sarajevo, "Ganges" d.o.o. Doboj, "Etal BH" d.o.o. Sarajevo, "CMC Ekocon" d.o.o. Sarajevo i "Elektro Univerzal" d.o.o. Tuzla ispunjavaju kvalifikacione uslove obzirom na iskazane zahtjeve ugovornog organa u tenderskoj dokumentaciji.

RB	Ostala zahtjevana dokumentacija aneksi/prilozi	„Hidro – Termo Centar“ d.o.o. Sarajevo	„Ganges“ d.o.o. Doboj	„Etal BH“ d.o.o. Sarajevo	CMC Ekocon“ d.o.o. Sarajevo	„Elektro Univerzal“ d.o.o. Tuzla
1.	Tačka: 15 TD : Pismena izjava ponuđača iz člana 52. Zakona o javnim nabavkama- Aneks VIII; Prilog 5.	DA	DA	DA	DA	DA
2.	Tačka: 16 TD : Obrazac za ponudu-Aneks II; Prilog 1	DA	DA	DA	DA	DA

RB	Ostala zahtjevana dokumentacija aneksi/prilozi	„Hidro – Termo Centar“ d.o.o. Sarajevo	„Ganges“ d.o.o. Doboj	„Etal BH“ d.o.o. Sarajevo	CMC Ekocon“ d.o.o. Sarajevo	„Elektro Univerzal“ d.o.o. Tuzla
3.	Tačka: 20 TD : Obrazac za cijenu ponude – Aneks III; Prilog 2.	DA	DA	DA	DA	DA
4.	Tačka: 16 TD : Ostalo traženo u TD Ponuda treba da sadrži tehničku dokumentaciju (za svaku pumpu pojedinačno) koja sadrži slijedeće: <ul style="list-style-type: none"> - Detaljne hidrauličke karakteristike, Q-H, Q-η, Q-NPSH, Q-N - Tip, mehaničke i hidrauličke karakteristike nep. ventila (za poz.1.1) - Pregled ugrađenih materijala osnovnih elemenata pumpnog i motornog dijela - Ugradbene mjere pumpnog agregata sa težinama pumpnog i motornog dijela - Crtež i dimenzije usisnog/tlačnog plašta, sa ugradbenim mjerama i težinama - Materijal usisnog/tlačnog plašta - Obim isporuke 	NE	NE	DA	NE	NE
5.	Tačka: 30 i 35 TD: Nacrt ugovora o javnoj nabavci-Prilog 7.	DA	DA	Dostavljen izmijenjen Nacrt ugovora o javnoj nabavci	DA	DA
6.	Tačka: 42 TD: Povjerljive informacije-Prilog 6	DA	DA	DA	DA	DA

Uvidom u dostavljeni nacrt ugovora o javnoj nabavci ponuđača: "ETAL BH" d.o.o. Sarajevo, Komisija je konstatovala slijedeće:

- u članu 2., nedostaje tenderskom dokumentacijom zahtijevani tekst *"Ugovorena cijena uključuje pored navedenog i pakovanje, transport i troškove osiguranja"*

- u članu 6. je unesen tekst: "Način i uslovi plaćanja su 60 (šesdeset) dana od dana ispostavljanja fakture" dok je tenderskom dokumentacijom zahtijevano: *"Način i uslovi plaćanja su: u roku od 60 dana od dana isporuke robe i ispostavljanja fakture"*

- u članu 9., je unesen tekst: *"Prodavac daje garanciju na kvalitet i funkcionalnost na svu isporučenu robu u trajanju 12 mjeseci od ugradnje, odnosno 18 mjeseci od isporuke"*.
Garancija za isporučenu robu obuhvata sve kvarove nastale usljed grešaka u projektovanju, proizvodnji i materijalu. Garancija ne obuhvata kvarove nastale usljed greške prilikom instalisanja

pumpe od strane kupca'', dok je tenderskom dokumentacijom zahtijevano: ''Garancija na isporučenu robu obuhvata sve kvarove nastale usljed grešaka u projektovanju, proizvodnji i materijalu ili instalisanju''.

-u članu 15. nedostaje tenderskom dokumentacijom zahtijevani dio teksta: ''sa svom popratnom dokumentacijom''.

Tekst gore navedenih članova bitno odstupa od nacрта ugovora predviđenog tenderskom dokumentacijom, pa je na navedeni način ponuđač: ''ETAL BH'' d.o.o. Sarajevo postupio suprotno tački 16 tenderske dokumentacije ''Sadržaj ponude i način pripreme ponude'' koja određuje da se pri pripremi ponude ponuđač mora pridržavati zahtjeva i uslova iz tenderske dokumentacije, te da ponuđač ne smije mijenjati ili nadopunjavati tekst tenderske dokumentacije''.

Obzirom na navedeno, Komisija je utvrdila da ponuda ponuđača: ''Etal BH'' d.o.o. Sarajevo ne ispunjava zahtjeve ugovornog organa koji su traženi tačkom 16. tenderske dokumentacije, zbog čega se ova ponuda smatra neprihvatljivom i ista se odbacuje, a sve u skladu sa članom 68, stav.4 tačka i) Zakona o javnim nabavkama.

Pregledom ponuda ponuđača ''Hidro Termo Centar'' d.o.o. Sarajevo, ''Ganges'' d.o.o. Doboj, ''CMC Ekocon'' d.o.o. Sarajevo i ''Elektrouniverzal'' d.o.o. Tuzla, od strane stručnih lica za predmetnu nabavku je konstatovano da ponude navedenih ponuđača ne ispunjavaju zahtijevane uslove iz tačke 7. Tenderske dokumentacije i to:

Ponuđač ''Hidro-Termo Centar'' d.o.o. Sarajevo iz sljedećih razloga :

- Detaljne hidrauličke karakteristike, Q-H, Q- η , Q-NPSH, Q-N za poziciju 1.1 nisu date bez nepovratnog ventila
- Ugradbene mjere pumpnog agregata sa težinama za pozicije 1.2, 1.3 i 1.4 nisu date.

Ponuđač ''Ganges'' d.o.o. Doboj iz sljedećih razloga :

- Detaljne hidrauličke karakteristike, Q-H, Q- η , Q-NPSH, Q-N za pozicije 1.1, 1.2, 1.3 i 1.4 dat je stepen iskorištenja pumpi niži od minimalnog stepena iskorištenja traženog u TD. Za poziciju 1.1 nisu date bez nepovratnog ventila.
- Tražene mehaničke i hidrauličke karakteristike nepovratnog ventila za poziciju 1.1 nisu date.
- Za poziciju 1.1 nije dat crtež usisnog plašta sa ugradbenim mjerama i težinama.
- Za pozicije 1.2, 1.3 i 1.4 nije dat crtež tlačnog plašta sa ugradbenim mjerama i težinama
- Za poziciju 1.1 nije dat materijal usisnog plašta sa ugradbenim mjerama i težinama
- Za pozicije 1.2, 1.3 i 1.4 nije dat materijal tlačnog plašta sa ugradbenim mjerama i težinama.

Ponuđač ''CMC Ekocon'' d.o.o. Sarajevo iz sljedećih razloga :

- Detaljne hidrauličke karakteristike, Q-H, Q- η , Q-NPSH, Q-N za poziciju 1.1 nisu date bez nepovratnog ventila.

Ponuđač ''Elektrouniverzal'' d.o.o. Tuzla iz sljedećih razloga:

Tehnička dokumentacija ''Dimenzije i težine rashladnog usisnog i tlačnog plašta'':

-za stavku 1.2 Bunarski pumpni agregat P.S. Hrasno-pravac pumpanja R. Lukavac:

Nije navedena ukupna ugradbena dužina, navedena je samo dužina plašta 2257 mm. Na crtežu piše ''materijal rashladnog plašta'', iz čega se zaključuje da isti ne predstavlja tlačni plašt.

-za stavku 1.3 Bunarski pumpni agregat P.S. Centar- pravac pumpanja R. Bjelave:

Nije navedena ukupna ugradbena dužina, navedena je samo dužina plašta 2525 mm. Na crtežu piše "materijal rashladnog plašta", iz čega se zaključuje da isti ne predstavlja tlačni plašt.

-za stavku 1.4 Bunarski pumpni agregat P.S. Centar-pravac pumpanja R. Crni Vrh:

Nije navedena ukupna ugradbena dužina, navedena je smu dužina plašta 2257 mm.

Prikazane dužine pumpe i motora različite su u odnosu na dužine iz dokumenta "tehničke karakteristike" tako da se ukupna dužina pumpnog agregata razlikuje

Tehničke karakteristike-LP (922 mm) + LM (1286 mm) = L (2208 mm).

Crtež VSP CC 1032/02 – LP (922 mm) + LM (1185 mm) = L (2107 mm)

Na crtežu piše "materijal rashladnog plašta", iz čega se zaključuje da isti ne predstavlja tlačni plašt.

Obzirom na navedeno, utvrđeno je da ponude ponuđača "Hidro Termo Centar" d.o.o. Sarajevo, "Ganges" d.o.o. Doboj, "CMC Ekocon" d.o.o. Sarajevo i "Elektrouniverzal" d.o.o. Tuzla ne ispunjavaju zahtjeve ugovornog organa tražene tenderskom dokumentacijom, zbog čega se ponude ovih ponuđača smatraju neprihvatljivim i iste se odbacuju a sve u skladu sa članom 68. Stav 4. tačka i) Zakona o javnim nabavkama (Sl. glasnik BiH br. 39/14).

Komisija je utvrdila da u predmetnom postupku nabavke roba: "Bunarski pumpni agregati za bunar IB1-izvorište Bačevo, P.S. Hrasno – R. Lukavac, P.S. Centar – R. Bjelave, P.S. Centar – R. Crni Vrh" – interni broj postupka 73/17 lot 4 nijedna od primljenih ponuda nije prihvatljiva, zbog čega su ispunjeni uslovi iz člana 69. Stav 2 pod d) Zakona o javnim nabavkama (Sl. Glasnik BiH br. 39/14) za poništavanje postupka nabavke, te dala preporuku Ugovornom organu-ovlaštenom licu ugovornog organa da za predmetnu nabavke roba: "Bunarski pumpni agregati za bunar IB1-izvorište Bačevo, P.S. Hrasno- R. Lukavac, P.S. Centar – R. Bjelave, P.S. Centar- R. Crni Vrh"- interni broj postupka 73/17 – lot 4 donese odluku o poništenju postupka nabavke.

Polazeći od svih gore navedenih konstatacija i činjenice da za predmetnu nabavku nijedna od primljenih ponuda nije prihvatljiva na osnovu preporuke Komisije za javne nabavke donesena je Odluka kao u dispozitivu.

Pouka o pravnom lijeku:

Protiv ove odluke može se izjaviti žalba, najkasnije u roku 10 (deset) dana od dana prijema ove odluke.

Dostaviti:

- „Etal BH“ d.o.o. Sarajevo;
- „Hidro -Termo Centar“ d.o.o. Sarajevo;
- „Ganges“ d.o.o. Doboj;
- „CMC Ekocon“ d.o.o. Sarajevo
- „Elektro Univerzal“ d.o.o. Tuzla
- a/a



v.d. Direktor

Azra Muzur, dipl.inž.građ.